



## Udruženje Žrtava i Svjedoka Genocida

<b>Ulica</b>	Vilsonovo šetalište 10/2, 71000 Sarajevo, BiH
<b>Tel. – Fax</b>	+387 (0)33 211 340
<b>Web – Email</b>	www.tortura.com.ba - info@tortura.com.ba udruzenje.zrtava.torture@gmail.com
<b>ID broj</b>	4201644760006
<b>Račun</b>	1346631006994478 - ASA Banka

**M** Udruženje  
**Pokret "Majke enklave Srebrenica i Žepa"**  
71000 Sarajevo, Nedima Filipovića 17, tel./fax: +387 (0) 33 610 801, tel.: 522 266  
e-mail: srebrenica.zepa@bih.net.ba

Broj: 89/2024

Datum: 15.03.2024.godine

REPUBLIKA SRBIJA

N/R predsjednika, gospodina Aleksandra Vučića

Predmet: Zahtjev za oslobađanje gospođe Aide Ćorović

Poštovani,

Mirovna aktivistica Aida Ćorović dobila je poziv da se javi na izdržavanje zatvorske kazne zbog toga što je jajima gađala mural ratnog zločinca Ratka Mladića.

Vaš sud, Prekršajni apelacioni sud je naveo da je gospođa Ćorović prekršila Zakon o javnom redu i miru jer je "bacala jaja u pravcu stambene zgrade i vrijeđala policijske službenike prilikom vršenja dužnosti."

Danas u Vašoj državi postoji preko 500 murala ratnog zločinca Ratka Mladića.

Glavni tužilac MRMKS, Serge Brammertz u svom izvještaju Vijeću Sigurnosti je za Vašu državu i Vašu vlast napisao "Samo u Beogradu je izbrojano više od 150 murala Ratka Mladića.

To nisu riječi i djela margina, već političkih i kulturnih centara društava u regionu.

Glorifikacija ratnih zločinaca i revizionističko poricanje nedavnih zločina su postali mainstreaming u Srbiji.

Mi vjerujemo da se Vi sa tim ponosite i da tako osiguravate svoj opstanak na vlasti, ali smatramo da u slučaju gospođe Aide Ćorović trebate narediti Vašim sudijama i tužiocima da se presuda ukine i gospođa Ćorović oslobodi izmišljene i političke presude.

Ako pozivate Rusku Federaciju da vetom u Vijeću Sigurnosti zaustavi Rezoluciju o Srebrenici, u slučaju gospođe Ćorović, to Vam nije neophodno.

Nemojte od gospođe Ćorović praviti slučaj Alekseja Navaljnija i od sebe Vladimira Putina. Oslobođanjem gospođe Ćorović nećete samo potvrditi da apsolutno vladate Srbijom, a što Vi to itekako volite da se govori i zna, nego ćete pokazati da i Vi, okorjeli negator genocida i glorifikant ratnih zločinaca, možete makar jednom u svom životu, ispoštovati pravedan i utemeljen zahtjev i poziv u ovom slučaju za oslobođanjem gospođe Aide Ćorović.

S poštovanjem,

  
Murat Tahirović

Udruženje žrtava i svjedoka genocida

  
Predsjednica Udruženja Pokret Majke enklava  
Srebrenica i Žepa  
Gđa. Munira Subašić